

UNIVERZITET U SARAJEVU  
ELEKTROTEHNIČKI FAKULTET U SARAJEVU

Broj: 02- 5581/20  
Sarajevo, 27.10.2020. godine

Na osnovu člana 136. Zakona o visokom obrazovanju ("Službene novine Kantona Sarajevo", br. 33/17, 35/20 i 40/20), člana 108. Statuta Univerziteta u Sarajevu (broj: 01-1093-3-1/18 od 28.11.2018. godine), Naredbe kriznog štaba Federalnog ministarstva zdravstva (broj: 01-33-5708/20 od 15.10.2020. godine), Naredbe Kriznog štaba Ministarstva zdravstva Kantona Sarajevo (broj: 67-20/2020 od 21.10.2020. godine), Preporuke rektora Univerziteta u Sarajevu za organizaciju rada i izvođenje nastave na Univerzitetu u Sarajevu u okolnostima pogoršane epidemiološke situacije uzrokovane pandemijom virusa Covid-19 (broj: 0101-10638/20 od 23.10.2020. godine), dekan Elektrotehničkog fakulteta u Sarajevu, donosi

**KRIZNI PLAN PRIPRAVNOSTI I ODGOVORA  
U OKOLNOSTIMA POGORŠANE EPIDEMIOLOŠKE SITUACIJE  
UZROKOVANE PANDEMIJOM NOVIM KORONAVIRUSOM COVID-19  
Elektrotehničkog fakulteta u Sarajevu**

**I - Cilj donošenja**

1. Kriznim planom pripravnosti i odgovora u okolnostima pogoršane epidemiološke situacije uzrokovane pandemijom novim koronavirusom covid-19 (u daljem tekstu: plan), utvrđuju se mjere koje se na Elektrotehničkom fakultetu u Sarajevu preduzimaju u kontekstu borbe u situaciji pogoršane epidemiološko-higijenske situacije, zbog pojave zarazne bolesti prouzrokovane pandemijom novim koronavirusom covid-19 (pandemija), a vodeći računa o mjerama koje putem naredbi i preporuka donose nadležni krizni štabovi ministarstava zdravstva i drugi organi vlasti, s ciljem sprečavanja i ranog otkrivanja slučajeva bolesti izazvane novim koronavirusom covid-19, te podizanjem i promoviranjem svijesti zaposlenika, studenata i angažiranih osoba kako bi se zaraza sporije širila i minimizirale njene posljedice.
2. Kako bi se osiguralo neometano odvijanje poslova iz osnovne djelatnosti Elektrotehničkog fakulteta u Sarajevu, neophodno je organizaciju rada usaglasiti sa pogoršanom epidemiološkom situacijom u Federaciji Bosne i Hercegovine i posebno Kantonu Sarajevo, te je iz tog razloga u naprijed navedenim okolnostima nužan maksimalan doprinos svih zaposlenika i studenata Elektrotehničkog fakulteta u Sarajevu u izvršavanju poslova i zadataka.

**II - Opće upute o organizaciji rada u okolnostima  
pogoršane epidemiološke situacije**

1. Dozvoljeno je okupljanje u prostorijama koje koristi Elektrotehnički fakultet u Sarajevu, na sljedeći način:
  - a. ne više od 30 osoba u zatvorenom prostoru (objekat Elektrotehničkog fakulteta u Sarajevu);



- b. ne više od 60 osoba na otvorenom prostoru (parking prostor Elektrotehničkog fakulteta u Sarajevu).
2. Zaposlenici sa zdravstvenim simptomima koji ukazuju na bolest covid-19 (akutni respiratorni sindromi, povišena tjelesna temperatura), dužni su ostati kod kuće, kontaktirati nadležne zdravstvene službe, te o naprijed navedenim okolnostima obavijestiti porukom elektronske pošte i/ili telefonskim putem sekretara i/ili dekana Elektrotehničkog fakulteta u Sarajevu.
  3. Ukoliko su bili u kontaktu sa osobom oboljelom od novog koronavirusa covid-19 ili su boravili u području u kojem je registrirana pojava novog koronavirusa covid-19, dužni su odmah obavijestiti nadležnu zdravstvenu službu.
  4. Zaposlenici kojima je propisana obavezna kućna izolacija, dužni su poštovati naloženu mjeru.
  5. Zaposlenici Elektrotehničkog fakulteta u Sarajevu u obavezi su smanjiti broj direktnih kontakata, te voditi računa o osobama sa kojima su bili na manjoj od propisane fizičke udaljenosti u posljednjih 48 sati i vremenski duže od 15 minuta.

### **III - Obavezne preventivne epidemiološke mjere**

1. Svi zaposlenici i studenti Elektrotehničkog fakulteta u Sarajevu dužni su pridržavati se propisanih higijensko-epidemioloških mjera propisanih od nadležnih institucija, a koje podrazumijevaju stalno nošenje zaštitnih maski (u zatvorenom i na otvorenom prostoru) i korištenje sredstava za dezinfekciju ruku.
2. Mjere fizičke distance i nošenje zaštitnih maski se primjenjuju u svim kancelarijama na Elektrotehničkom fakultetu u Sarajevu, uz mogući izuzetak koji opravdava odsustvo svakog bliskog kontakta (zaposlenik sam u prostoriji).
3. Na ulazu u zgradu zaposlenici i studenti Elektrotehničkog fakulteta u Sarajevu, obavezni su pristupiti mjerenju tjelesne temperature i potpisivanju odgovarajućih izvjava.
4. Prilikom ulaska u zgradu Elektrotehničkog fakulteta u Sarajevu, obavezno je izvršiti dezinfekciju ruku na postavljenim dispanzerima i preći preko dezbarijere za dezinfekciju obuće.
5. Osobe koje ne pripadaju kategoriji zaposlenika i studenata Elektrotehničkog fakulteta u Sarajevu, mogu pristupiti prostorijama Elektrotehničkog fakulteta u Sarajevu, isključivo ukoliko su prethodno najavljene, što bez izuzetka, za svakog posjetioca provjerava zaposlenik na portirnici.
6. Prostorije u kojima borave zaposlenici Elektrotehničkog fakulteta u Sarajevu, obavezno se i čiste i provjetravaju svaki dan (po mogućnosti više puta u toku radnog dana).
7. Sve površine s kojima sudionici dolaze u kontakt obavezno se svakodnevno dezinficiraju prilikom čišćenja prostorija.

### **IV - Nastava i drugi oblici rada sa studentima, drugi poslovi iz osnovne djelatnosti**

1. Nastavne aktivnosti (predavanja, tutorijali, laboratorijske vježbe, konsultacije) se održavaju u online režimu rada. Nastavno osoblje je obavezno u potpunosti realizirati utvrđeni plan rada na nastavnom predmetu na kojem je angažirano i u online režimu rada.
2. Preporučuje se nastavnicima i saradnicima da sve vidove nastave izvode online i od kuće, osim ukoliko to iz objektivnih razloga nije moguće. U slučaju da se online nastava održava iz



prostorija, neophodno je voditi računa da se zadržavanje u prostorijama Elektrotehničkog fakulteta u Sarajevu nakon okončane nastave smanji na minimum.

3. Praktične vježbe koje zahtijevaju fizičko prisustvo i isključivo rad u laboratoriji se odgađaju dok se za to ne steknu potrebni uvjeti shodno epidemiološkoj situaciji.
4. Prilikom organizacije svih aktivnosti koje spadaju u osnovnu djelatnost Elektrotehničkog fakulteta u Sarajevu (konkursne procedure – predaja dokumentacije, odbrane doktorskih, magistarskih i završnih radova, procedure javnih nabavki i slično), maksimalni broj učesnika (uključujući članove komisije i zapisničara/sekretara komisije) je 8.
5. Odbrane završnih radova, magistarskih i doktorskih radova mogu se organizirati online ili u prostorijama Elektrotehničkog fakulteta u Sarajevu.
6. Prije i poslije održavanja odbrane završnih radova, magistarskih i doktorskih radova u prostorijama Elektrotehničkog fakulteta u Sarajevu, prostorija se obavezno čisti, provjetravaju, a dodirne površine sa kojima sudionici dolaze u kontakt dezinficiraju.
7. Nošenje zaštitnih maski prilikom aktivnosti iz tač. 4. i 6. je obavezno za sve učesnike tokom čitavog perioda trajanja aktivnosti i boravka u prostorijama Elektrotehničkog fakulteta u Sarajevu, a nepridržavanje propisnog nošenja maske od strane učesnika povlači njihovo trenutno udaljšavanje.
8. Svi učesnici u aktivnostima iz tač. 4. i 6. dužni su održavati propisanu fizičku distancu od najmanje dva metra.
9. Zahtjevi za potvrde i uvjerenja, studenti podnose Studentskoj službi putem poruke elektronske pošte na e-mail adresu [studentska@etf.unsa.ba](mailto:studentska@etf.unsa.ba).

#### **V - Rad vijeća i drugih tijela Elektrotehničkog fakulteta u Sarajevu i podorganizacionih jedinica**

1. Sjednice Vijeća Elektrotehničkog fakulteta u Sarajevu i Vijeća dokorskog studija odvijaju se elektronskim putem.
2. Sjednice vijeća podorganizacionih jedinica/vijeća odsjeka odvijaju se elektronskim putem.
3. Sjednice Kolegija Elektrotehničkog fakulteta u Sarajevu (dekan, prodekani, šefovi odsjeka i sekretar) odvijaju se elektronskim putem.
4. U iznimnim situacijama, sjednice Kolegija Elektrotehničkog fakulteta u Sarajevu, mogu se organizirati u prostorijama Elektrotehničkog fakulteta u Sarajevu, uz propisanu fizičku distancu i obavezno nošenje zaštitne maske tokom čitavog perioda trajanja sjednice.
5. Drugi radni sastanci (komisije i radne grupe) se obavezno održavaju online, putem telefonske ili elektronske komunikacije.

#### **VI – Organizacija rada i radno vrijeme**

1. Radno vrijeme zaposlenih na Elektrotehničkom fakultetu u Sarajevu može se skratiti (raniji početak i raniji završetak), odnosno izmijeniti, što će se regulirati donošenjem odgovarajućih odluka i označiti na ulaznim vratima.
2. Na osnovu ovog plana, utvrdit će se primjereni vremenski intervali dolazaka i odlazaka zaposlenika na posao i s posla, a kako bi se izbjeglo stvaranje gužvi u javnom gradskom prevozu, gužve prilikom ulaska i izlaska u/iz radnih prostorija Elektrotehničkog fakulteta u Sarajevu i smanjio broj stalno prisutnih zaposlenika u prostorijama Elektrotehničkog



fakulteta u Sarajevo, saglasno Naredbi Kriznog štaba Ministarstva zdravstva Kantona Sarajevo.

3. Sve oblike rada stručnih službi, u kojima istovremeno sudjeluje više osoba, a gdje to zahtijeva organizacija i dinamika poslova (Studentska služba), provodit će se u turnusima (u trajanju od jedne do dvije radne sedmice) ili u sličnim oblicima organizacije rada gdje je to zbog organizacije poslova moguće realizirati, a kako bi se omogućilo da što manji broj zaposlenika stručnih službi boravi na istom mjestu u isto vrijeme.
4. Rad ostalih zaposlenika stručnih službi organizirat će se po potrebi u smjenama, o čemu će isti biti blagovremeno obaviješteni i raspoređeni u skladu sa sačinjenim rasporedom rada.
5. U slučaju pojave pozitivnih slučajeva zaraze kronavirusom covid-19 zaposlenika Elektrotehničkog fakulteta u Sarajevu ili potrebe za samoizolacijom po preporukama nadležnih epidemioloških službi, dekan Elektrotehničkog fakulteta u Sarajevu će za radna mjesta, čija priroda ne omogućava obavljanje radnih poslova i zadataka u online režimu rada, izvršiti privremenu preraspodjelu zaposlenika, dok naprijed navedene okolnosti traju, a kako bi se osigurao nesmetan i kontinuiran rad i funkcioniranje stručnih službi.
6. U slučaju rada od kuće, zaposlenici su obavezni biti dostupni putem službene e-mail adrese, kao i putem kontakt telefona, svakog radnog dana u punom radnom vremenu (u periodu od 8:00 do 16:00 sati).

#### **VII – Nadzor nad provođenjem plana**

1. Nadzor nad provođenjem plana vrši Tim Elektrotehničkog fakulteta u Sarajevu za preduzimanje neophodnih aktivnosti u vezi sa sprečavanjem širenja novog koronavirusa COVID-19 u prostorijama Elektrotehničkog fakulteta u Sarajevu.
2. Tim čine dekan i prodekani Elektrotehničkog fakulteta u Sarajevu.

#### **VIII - Završne odredbe**

1. Primjenjive preporuke nadležnih institucija odnose se i na Elektrotehnički fakultet u Sarajevu i zaposlenike Elektrotehničkog fakulteta u Sarajevu.
2. Za postupanje po ovom planu i za njegovu implementaciju odgovorni su svi zaposlenici Elektrotehničkog fakulteta u Sarajevu, ako iz pojedinih mjera ne proizilazi odgovornost samo njihovih aktera.
3. Prijave nepoštivanja propisanih mjera utvrđenih ovim planom, zaposlenici Elektrotehničkog fakulteta u Sarajevu mogu dostaviti Timu Elektrotehničkog fakulteta u Sarajevu za preduzimanje neophodnih aktivnosti u vezi sa sprečavanjem širenja novog koronavirusa covid-19.
4. Nepridržavanje mjera propisanih ovim planom od strane zaposlenika i studenata Elektrotehničkog fakulteta u Sarajevu predstavlja kršenje Zakona o zaštiti stanovništva od zaraznih bolesti.

5. Ovaj plan primjenjuje se od dana njegovog donošenja, a njegove izmjene i dopune, kao i usklađivanje vršit će se u zavisnosti od epidemiološke situacije i preporuka/naredbi nadležnih organa, na način i pod uvjetima kako je i donesen.

**DEKAN**

Prof. dr. Jasmin Velagić



Dostaviti:

1. Zaposlenici Elektrotehničkog fakulteta u Sarajevu
2. Oglasne ploče (3x)
3. Internet stranica
4. Sekretar/Pravna služba Elektrotehničkog fakulteta u Sarajevu
5. a/a